

Celano. M. Coll. in Cuenca

DISPUTATIO IN AV-
GVRALIS THEORETICO-
PRACTICA

*Ius potandi, cum omnibus solennitatibus
& controuersis secundum ius utrumq;
discussis, breuiter adumbrans*

QVAM
PERMISSV ET AVTHORITATE
NOBILISSIMI ET FAMOSISSIMI ORDI-
NIS IN ACADEMIA DIVÆ Po-
tinz.

PRÆSIDE
DIONYSIO BACCHO SYMPOSIASTE SUM-
mo, & Antecessore præcellentissimo

In Collegio Hilaritatis, Symptosis suis præstantissimis
publicè exponer

BLASIVS MULTIBIVS VTRIVSQUE VI-
ni & Cereuisiæ Candidatus.

*Horis Antemeridianis, & Pomeridianis solitis
& licitis.*

Respiciendum an & quantum in naturâ hominum sit.
l. 38. ff. de reb. cred.

OENOZYTHOPOLI,

Ad signum oculorum rubriculorum.

M. DC. XVII.



DE JURE POTANDI, Positio I.

Cottidiana esse addiscenda, Lucerna illa Juris, Paulus in *l. legani. 25. ff. de liberat. legat.* admonet. Cum itaque nihil (quod sciam) sit familiarius, nihilque magis solenne, quàm ipsius Bacchi sacra; & verendum, ne nobis obiiciatur, quod olim Servio Mutius opponebat in *l. necessarium. 2. §. Servius. 43 ff. de orig. iur.* turpe esse Germano jus conuiuiorum, in quo quotidie versatur, ignorare: Non abs re esse duxi, si nonnullas observationes tam Theoreticas quàm Practicas in gratiam eorum qui aliquando animum ad forum applicare desiderant, euentilarem, quo rudiores excitarentur & excolerentur, eruditioribus verò penitus in eam rem inquirendi ansa propinaretur.

2. **ORIGO** huius Dionysii festi quin sit antiquissima omnibus constat. Usam itidem promiscuum omnibus gentibus communem esse, æquè notum est: temporum tamen euolutione nemo non Germanis, propter sedulam eorum deuotamq; erga hoc numen religionem & culturam, principatum obtulit; quam laudem pressis velut manibus proteruè adhuc præ cæteris sibi retinent & defendunt. Ad hos itaque, eorumque consuetudines, præsens collimabit disputatio, quam tamen principaliter ad praxin Academicam volo accommodatam.

3. Huius Numinis cultus in commestationibus & potationibus consistit. **POTATIO** est strenua poculis suscepta velitatio. **IUS POTANDI** est, quod inde resultat, comprehendens ritus & solennitates, quidque alterum alteri ex lege præstare conueniat, subindicans.